




UNIVERSIDADE DA CORUÑA



Achégolle Resolución reitoral para convocar os premios extraordinarios de diplomado, arquitecto técnico, enxeñeiro técnico, licenciado, arquitecto e enxeñeiro do curso 2007/2008, para o seu correspondente trámite e difusión.

Así mesmo, xúntase Regulamento de premios extraordinarios aprobado pola Xunta de Goberno do 26 de setembro de 1994, para o seu coñecemento.

A Coruña, 13 de outubro de 2008

O reitor

DP.(RR. 14-01-2008)

A vicerreitora de Organización Académica e Titulacións

Ado.: Ana Dorotea Tarrío Tobar

Ilmo. Sr. Secretario Xeral

Ilmos/as. Sres/as Decano/as Directores/as de centros

Ilmos/as Directores/as de Departamentos

Sr. Xefe do Servizo de Organización Académica

Sr. Director do SAPE

Sres/as Administradores/as de Centros

Sr. Analista responsable de procedementos de Xestión Académica



UNIVERSIDADE DA CORUÑA

RESOLUCIÓN REITORAL DA UNIVERSIDADE DA CORUÑA POLA QUE SE CONVOCAN OS PREMIOS EXTRAORDINARIOS DE DIPLOMADO, ARQUITECTO TÉCNICO, ENXEÑEIRO TÉCNICO, LICENCIADO, ARQUITECTO E ENXEÑEIRO CORRESPONDENTES AO CURSO ACADÉMICO 2007/2008.

A Xunta de Goberno da Universidade da Coruña, na sesión celebrada o día 26 de setembro de 1994, acordou aprobar o Regulamento de premios extraordinarios de diplomado, arquitecto técnico, enxeñeiro técnico, licenciado, arquitecto e enxeñeiro, e de conformidade con este Regulamento,

RESOLVO:

PRIMEIRO.- Convocar os premios extraordinarios de diplomado, arquitecto técnico, enxeñeiro técnico, licenciado, arquitecto e enxeñeiro, correspondentes ao curso académico 2007/2008, en todas as titulacións que se imparten nesta universidade.

SEGUNDO.- Poderán optar aos premios extraordinarios aqueles alumnos que remataron os estudos da súa titulación na Universidade da Coruña nas convocatorias de xuño ou de setembro do curso académico 2007/2008.

Será necesario ter obtido unha nota media de sobresaliente no expediente académico; de forma excepcional poderase optar ao premio extraordinario cunha nota media de notable, cando non houber ningún alumno con nota media de sobresaliente entre os que rematasen os seus estudos no curso académico 2007/2008.

O número máximo de premios extraordinarios a conceder por titulación comunicárase aos decanos/directores dos centros unha vez aplicadas as porcentaxes previstas no punto 2 do Regulamento citado.

TERCEIRO.- Os interesados entregarán as súas solicitudes no rexistro do centro desta universidade en que rematasen os seus estudos, mediante instancia dirixida ao Reitor, empregando o modelo do anexo II á presente resolución. Non será preciso presentar a certificación de estudos.

CUARTO.- O prazo de presentación de solicitudes é do 14 de outubro ao 7 de novembro de 2008, ambos inclusive.



UNIVERSIDADE DA CORUÑA


QUINTO.- As solicitudes valoraranse polo tribunal que se constituirá en cada centro de acordo co disposto no punto 3 do Regulamento de premios extraordinarios citado; unha vez que se efectúen as valoracións, faranse públicos o resultados no taboleiro de anuncios do centro respectivo. As persoas solicitantes disporán dun prazo de dez días, contados desde a exposición pública dos resultados, para presentar as reclamacións que consideren oportunas e que resolverá cada tribunal.

SEXTO.- Unha vez resoltas as reclamacións os presidentes dos tribunais tramitarán os expedientes ás Xuntas de Centro. Estas elaborarán as correspondentes propostas de concesión, que serán remitidas polo Decanos ou Directores ao Reitor antes do día 7 de decembro de 2008, para a súa tramitación ao Consello de Goberno da Universidade.

SÉTIMO.- O Consello de Goberno, tras o estudo das propostas e deliberación correspondente, resolverá a concesión dos Premios extraordinarios de diplomado, arquitecto técnico, enxeñeiro técnico, licenciado, arquitecto e enxeñeiro correspondentes ao curso académico 2007/2008.

A resolución do Consello de Goberno esgota a vía administrativa e contra esta resolución poderase interpoñer un recurso de reposición perante o mesmo órgano que ditou o acto no prazo dun mes a contar desde a súa publicación ou, de forma alternativa, recurso contencioso-administrativo ante a xurisdición contenciosa-administrativa, no prazo de dous meses que comezarán a contar desde a súa publicación.

A Coruña, 13 de outubro de 2008



O Reitor

Asdo.: José María Barja Pérez



UNIVERSIDADE DA CORUÑA

ANEXO II

PREMIOS EXTRAORDINARIOS DE

Diplomado, Arquitecto Técnico, Enxeñeiro Técnico, Licenciado, Arquitecto e Enxeñeiro

CONVOCATORIA CURSO 2007-2008

ALUMNO/A: _____

D.N.I.: _____

CENTRO: _____

TITULACIÓN: _____

DATA REMATE ESTUDOS: _____

(No caso de titulación con P.F.C. a data enténdese referida á aprobación do proxecto)

SOLICITA:

Optar ao Premio Extraordinario de _____

A Coruña / Ferrol, a _____ de _____ de 20__

O/A Interesado/a

EXCMO. E MAGFCO. SR. REITOR DA UNIVERSIDADE DA CORUÑA

REGULAMENTO DE PREMIOS EXTRAORDINARIOS

de Diplomado, Arquitecto Técnico, Enxeñeiro Técnico, Licenciado, Arquitecto e Enxeñeiro.

1. Os premios extraordinarios de diplomado, arquitecto técnico, enxeñeiro técnico, licenciado, arquitecto e enxeñeiro serán concedidos pola Xunta de Goberno por proposta da Xunta de Centro correspondente.
2. Os premios extraordinarios concederanse por titulacións, entre os alumnos que remataron os seus estudos nas convocatorias de xuño e setembro do correspondente curso académico. O número máximo de premios extraordinarios a conceder por titulación e curso académico será dun por cada setenta e cinco alumnos ou fracción que rematase os seus estudos no devandito curso académico.
3. A valoración de estudantes para a proposta de premios extraordinarios será realizada por un tribunal para cada titulación. Este tribunal estará formado por tres profesores numerarios e será aprobado pola Xunta de Centro por proposta do decano ou director e tras a consulta aos directores dos departamentos. A Xunta de Centro determinará así mesmo cal dos membros actuará de presidente.
4. A convocatoria destes premios extraordinarios será realizada anualmente polo reitor ao longo do primeiro trimestre do curso académico seguinte ao que correspondan os premios a conceder. Na dita convocatoria estableceranse os prazos e documentos a presentar polos interesados.
5. Para poder optar a premio extraordinario será necesario ter obtida unha nota media de sobresaliente no expediente académico. De forma excepcional poderase optar ao premio extraordinario cunha nota media de notable cando non houber ningún alumno con nota media de sobresaliente entre os que obteñen o título nese curso académico.
6. O procedemento para o cálculo da nota media a que se refire o punto anterior deberá ter en conta a seguinte táboa de equivalencias, a efectos de homoxeneizar titulados de distintos planos de estudo: Aprobado - 1; Notable - 2; Sobresaliente - 3; Matrícula de honra - 4, así como o número de créditos de cada materia. Non se contabilizarán as materias de libre elección para o cálculo da nota media.
7. A concesión de premio extraordinario figurará no expediente do alumno e farase constar fidedignamente.
8. Disposición transitoria.- A primeira convocatoria de premios extraordinarios desta universidade realizarase no curso 1994/95 e será de aplicación aos titulados dos cursos 1990/91, 1991/92, 1992/93 e 1993/94 con carácter independente a cada un destes cursos.

Queda sen efecto calquera outra normativa que se opoña ao establecido neste Regulamento.